



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

I. Libri. Pars II.

[urn:nbn:de:hbz:466:1-50980](#)

tur. Seneca. Nemo nostrum ferre potest impetu
vitiorum: magno inipetto venientium. Si modi-
cum fermenti totam massam corrumpit, quan-
to magis multum fermenti eam corrumpet? Val-
de difficile est bonis, si sint inter malos, cum ipsi
pauci sint, & habeant ascendere, contraire mul-
titudini malorum, quae quasi infinita est, & im-
petuose descendit. Ideo multum eis necesse est
elongari ab eis. Ne coneris contra iustum fluuij.

2. Corint. 5.

Eccl. 4.

IN CIPIT SECUNDA PARS HVIVS
libri, que tantum continet unum capitulum: in quo
incitat ad gaudendum de mutatione status se-
cularis in statum religionis.

Quem Dei misericordia de mundo edu-
xit, si diligenti consideratione praedicta
attendant, consequens est, ut de commu-
tatione facta non poeniteat, sed valde gaudeat.
Utilis commutatio transeunti de tenebris ad lo-
cum luminis. Dulce lumen, & delectabile ocu-
lis videre solem. Utilis commutatio, cum mun-
dus fallax pro Deo fidelissimo deseritur: cum
bona temporalia modica in breui amittenda,
meliorum impeditiua, pro maximis in eternum
mansuris relinquuntur. Utilis transitus de loco
pressuræ & laboris, ad locum pacis & quietis. In
mundo pressuram habebitis: in me autem pa- *Iean. 16.*
cem. Venite ad me omnes qui laboratis, & one- *Matt. 11.*
rati estis, &c. Non habent pacem amatores mun-
di: qui mala poenæ fugiunt, quæ non effugiunt:
& bona fugientia sequuntur. Utilis transitus à
loco pleno periculis, ad locum securitatis. Qui

B 5

de

de mundo transit ad claustrum bene ordinatum, gaudere debet: sicut illi qui per arcam à periculo diluuij fuerunt liberati: & sicut Loth ab incendio Sodomorum saluatus fuit; & sicut filij Israel gauisi sunt, cùm seruitutem Pharaonis & exercitum eius euaserunt: & sicut pueri à fornace ignis Babylonica fuerunt liberati. Qui mundum pro Deo reliquerunt, si id pro quo reliquerunt, viderent, non pœniterent, nec se deceptos esse crederent. Dictum est de Niniue, quæ tenet figuram mundi: Qui viderit te, resiliet à te: dictum est de muliere forti: Gustauit & vidit quoniam bona est negotiatio eius. Simile est regnum cœlorum thesauro abscondito in agro: quem qui inuenit homo, abscondit, & præ gaudio illius vadit, & vendit vniuersa quæ habet, & emit agrum illum. Qui nunc tristatur, labore & malorum perpassione regnum emendo: gloriabitur illo obtento. Malum est, malum est, dicit omnis emptor, & cùm recesserit, tunc gloriabitur.

Pro. 26.

Nam. 3.
Pro. 5.1.

Matth. 13.

INCIPIT TERTIA PARS PRIMI LIBRI, quæ monet ut eductus de sœculo, nec corde, nec corpore ad sœculum redeat. In cuius primo capitulo ostenditur, quod redditus ad sœculum multum sit timendum.

CAPUT I.

Multum timendum est ei, quem Dei bonitas de sœculo eduxit, ad illud redire corde vel corpore: ante professionem, vel facta professione. De redditu post professio-

nem;